



**O'ZBEKISTON RESPUBLIKASI XORAZM VILOYATI BOG'OT
TUMANI HOKIMINING
QARORI**

Bog'ot shahri, O'zbekiston ko'chasi, 18-uy

2020 -yil 20 - Noabr

2566 v -son

Bog'ot sh.

Нусха № 1

“XORAZM YUKSAK DIYOR”
масъулияти чекланган жамиятига Богот тумани
“Ашхобод” маҳалласи ҳудудидан кўп қаватли
турар жой қурилишга рухсат бериш тўғрисида

Ўзбекистон Республикаси Вазирлар Маҳкамасининг 2020 йил 4 июндаги “Қишлоқ жойларда кўп квартирали уй-жойларни қуришда тадбиркорлик субъектларини кенг жалб этиш чора-тадбирлари тўғрисида”ги 355-сонли қарорини, Хоразм вилояти қурилишда танлов савдоларини ташкил этиш консалтинг марказининг 2020 йил 21 сентябрдаги 210-сонли хабарномасини, туман ҳокимлиги ва “XORAZM YUKSAK DIYOR” масъулияти чекланган жамияти ўртасида тузилган шартномани ва бошқа тақдим қилинган ҳужжатларни кўриб чиқиб, Ўзбекистон Республикаси “Маҳаллий давлат ҳокимияти тўғрисида”ги қонуннинг 25-моддасига ва “Ер кодекси”нинг 6-моддасига асосланиб,

ҚАРОР ҚИЛАМАН:

1. Ўзбекистон Республикаси Вазирлар Маҳкамасининг 2020 йил 4 июндаги “Қишлоқ жойларда кўп квартирали уй-жойларни қуришда тадбиркорлик субъектларини кенг жалб этиш чора-тадбирлари тўғрисида”ги 355-сонли қарорининг ижросини таъминлаш мақсадида Богот тумани “Ашхобод” маҳалласи ҳудудидан 1 та ер участкаси кўп қаватли турар жойлар қурилиши учун танлов савдоларига қўйилганлиги, танлов савдоларида битта кўп қаватли турар жой қурилиши бўйича “XORAZM YUKSAK DIYOR” масъулияти чекланган жамияти ғолиб деб топилганлиги маълумот учун қабул қилинсин.

2. “XORAZM YUKSAK DIYOR” масъулияти чекланган жамиятига Богот тумани “Ашхобод” маҳалласи ҳудудидан кўп қаватли турар жой қурилиши учун 1500,0 кв.метр ер майдонида кўп қаватли турар жой қурилишга рухсат берилсин.

3. "XORAZM YUKSAK DIYOR" masъулияти чекланган жамиятига: ушбу қарор билан кўп қаватли турар жой бинолари қурилиши учун танлаб, ажратиб берилган участкада қурилиш ишларини бошлаш учун вилоят архитектура қурилиш бош бошқармасига архитектура режалаштириш топшириқларининг 1-2 қисмларига буюртма бериш;

қурилиш ишлари учун ишчи лойиҳа ҳужжатларини тайёрлатиш; тайёрланган ишчи лойиҳа ҳужжатларини вилоят қурилиш бош бошқармаси ҳузуридаги шаҳарсозлик кенгашига тақдим қилиш;

шаҳарсозлик кенгаши мажлисининг баённомасига асосан лойиҳа-смета ҳужжатларини Давлат экспертизасидан ўтказиш вазифаси юклатилсин.

4. Туман қурилиш бўлими бошлиғи (Ф.Қурбонов)га ушбу қарор билан кўп қаватли турар жой қуриш учун рухсат берилган ер майдонини бош лойиҳа асосида жойида (натурада) кўрсатиб бериш ҳамда қурилишининг шаҳарсозлик норма ва қоидалари асосида олиб борилишини назорат қилиш вазифаси топширилсин.

5. Ушбу қарорнинг бажарилишини назорат қилиш туман ҳокимининг ўринбосари А.Қуръязов зиммасига юклатилсин.

Богот тумани ҳокими

 О.Холбоев